

A'j

*A'j now mer aait ow onkreukbaarheid könt loatn bouwn,
ow angst en dreiging oawer t heufd könt loatn goan,
A'j, ok waar aandern an ow twiefelt, toch ow zölvn könt vertrouwn,
mer ok den twiefel an ow trouw vergevn könt en ok verstoan;
A'j wochtn könt en t goaldn ogenblik könt onderscheidn,
en lastertongn dee ow treft alleen met zuuvre waarheid weert,
A'j achternoa wordt schreeuwd, mer toch ow deur gin wrok wilt loatn
leidn,
en z'ow ok nich op eign waan en eign wiesheid attrapeert;*

*A'j dreumn könt, mer deur ginn leugn dreum ow loat regeern,
en deankn könt, mer t nich alleen bij nutloos deankn loat,
A'j alle slaagn van het lot met fierheid könt trotseern,
en röstig own weg langs steiln ofgroond goat;
A'j t könt verstouwn dat nen slungel t woord da'j hebt esprokn,
verdrait, vervalst en dan veur waarheid van de haan döt an nen zot,
A'j zeet woo t weark van heel ow leavn veur ow oogn kot wordt brokn,
en t dan weer opbouwt met gereedschop, deels halvesleets en deels kepot;*

*A'j met ow kleine betke geald, deur vliet en zeunigheid verworvn,
op riekdom oet bint west en woagd hebt ow gewin,
A'j zeet woo t mis is goan, t verdreet he'j ja veur alleman verborgn,
en iej griept dàn n ploogstert weer veur n niej begin;
A'j aait, waar t neudig is, own geest en ow verstaand könt dwingn
töt t éne gróte doel, al nemt ow krachtn met de joarn of,
A'j dan van t oalde ideaal nog éénmaal own lof wilt zingn,
doarbij nich öasnd op toch wâl verdeendn oonverdachtn lof;*

*A'j met t gewone volk mer ok met grote leu weet te verkeern
as met geliekn en i'j wörmt ow hert an n adeldom van beider stoat;
A'j ow deur ginn vreand loat smeigeln en deur ginn viejaand offronteern,
en n ieder op zien weerde - nich te hoog en nich te leeg - ansloat;
A'j nooit n kostbaar onderdeel van tied onneudig loat passeern,
mer ieder ogenblik benut an n arbeid an ow grote plan,
Dàn kö'j oeteindelik ow loon an veurspood met voldoening inkasseern,
Dàn bi'j - wat t meeste toch betekent - eerst met recht nen goein
Tukkersman!*

*Rudyard Kipling: „IF”
(Twentse versie: Johan Buursink)*